

蔡中郎文集
嵇中散集

蔡中郎文集

四部叢刊初編集部

上海商務印書館
縮印華氏活字本

蔡中郎文集序

漢蔡中郎傳邕博學辭章爲靈紀十裔及諸雜文章凡百四篇傳於世傳所載者釋誨幽冀刺史闕所陳政要七事金商門答災異䟽被收時表及世傳獨斷女訓文選陳太丘等碑文初學記短人賦終十數篇而已按唐書藝文志洎吳氏西齋書目並云邕集十五卷今之所傳終十卷亡外計六十四篇其中可疑者宗廟頌贊述武皇平亂之功又有昊天眷佑我魏之句以魏宗廟也又有魏武帝祠喬太尉文稱丞相冀州收魏主謹操遣掾

再拜祠文姜伯淮碑稱建安二年又平劉鎮南碑建安十三年薨太和二年葬按邕傳本董卓被誅邕爲王允所害時年六十一據邕金商門答災異被收表云臣今年四十八靈帝光和元年也董卓被誅獻帝初平三年也光和元年戊子至初平三年壬申邕正六十一矣又初年盡四年改興平二年改建安至五年正月薨操薨三月改延康十月禪子魏王丕即初平四年是爲二十六年太和二年乃魏明帝之二年至是又八計邕死已三十六年矣按初平已前操尚在誅

蔡中郎文集目錄

一卷

故太尉喬公廟碑

中昇銘

東昇銘

黃鉞銘

西鼎銘

昇銘

二卷

太尉喬公碑

王喬碑

朱公叔議

郭有道郭林宗碑

墳前石碑

陳太丘碑

郭範先生陳仲弓銘

陳太丘碑

三卷

汝南周巨勝碑

彭城姜伯淮碑

陳留范史雲銘

玄文先生李子材銘

虞士園叔則銘

司空楊秉碑

卓之歲操始爲東郡太守破黃巾於壽張至建安十三年操自爲丞相二十一得操自進爲魏王亦有魏宗廟而操不得先稱魏王武帝及武皇也其姜伯淮鎮南薨葬相後年代差遠邕安得紀述耶是集也今旣缺五卷矣見所傳者蓋後之好事者不本事迹編他人之文相混之耳非十五卷之本編固矣建安黃初之文體多相類復不逮廣被衆集固不可知其誰之作也偶閱而有得識于帙末天聖紀號龍集癸亥余月哉生明後八日海陵西齋平陽歐靜識之序

四卷

太傅文恭侯胡公碑
胡廣碑

太傅祠前銘

漢交趾都尉胡府君夫人黃氏神誌

太傅安樂侯胡公夫人靈表議郎胡公夫人哀讚

五卷

先武濟陽宮碑
太尉汝南李公碑

陳留太守肱公碑
陳留太守庫上里銘
胡碩碑

六卷

答丞相可齋議
幽冀二州刺史父缺疏

難夏育上言鮮卑仍犯諸郡
答詔問灾異八事

被收時表

七卷

和熹鄧太后論
為陳留太守上孝子

薦邊文礼
薦皇甫規

八卷

表太尉董公可相國
讓尚書乞在閑冗

巴郡太守謝版
宗廟祝嘏辭

九祝辭
上始元服與羣臣上壽
宗廟迭毀議

表賀錄換誤上章謝罪
謝高陽侯印綬符策

九卷

京兆樊惠渠頌
掾史張玄祠堂碑銘

表滿來碑銘
司徒袁公夫人馬氏碑銘

濟北相崔君夫人誄
幼童胡根碑銘

十卷

明堂月令論
月令問答

外傳

胡廣黃瓊頌
上漢書十志疏

述行賦

飲馬長城窟行

釋謫

隸勢

正德乙亥春三月錫山蘭雪
堂華堅允剛活字銅版印行

蔡中郎文集目錄終

蔡中郎文集卷之一

四

漢左中郎將蔡邕伯喈撰

故太尉喬公廟碑

光武列考伊漢元公克明克哲
實敷實聰如淵之浚如岳之嵩
威壯號虎文繁雕龍撫柔疆垂
戎狄率從敷教中夏五教攸通
帝謂我后朕加君功命君三事
時亮天功公拜稽首翼上惟恭
左右天子祗厥勳庸庶績既熙
黎民時雍上下謐寧八方和同
不顯伊德作憲萬邦公諱玄字
公祖少辟孝廉辟司徒大將軍
府為侍御史牧一州典五郡出
將邊營入掌機密歷三卿同三
司享年七十五光和中七年夏五
月甲寅以太中大夫薨于京師
朝廷所以吊贈如前之儀其九
朝乙酉葬於某所孤故臣門
人相與述公言行咨度禮則文
德銘于三鼎武功勒於鉦鉞官
簿第次事之實錄書于碑陰俾
爾昆裔永有仰於碑陰
喬氏之先出自黃帝七葬于喬山
子孫之在不十二姓者咸以為氏

漢興世以禮樂爲業高祖諱仁位
至大鴻臚列名於儒林祖侍中廣
川相考東業太守公稟性貞純幼
有弘姿剛而不虐威而不猛聞仁
必行睹義斯居文以典術守以繼
固弱冠從政當官而行刺史周公
辟舉從事所部二千石受取有驗
公糾廢賊罪致之於理時有叔房
桂戚之託周公累息功不爲之動
史魚之勁直山甫之阿於是始
形舉孝廉除郎中洛陽左尉特進
顯王梁不疑爲河南尹當事以對
是時畏其權寵而爲屈辱者多矣
公不折節解印綬去辟司徒舉高
第補侍御史以詔書考司隸校尉
趙祁事子尉郭貞私與公書非接
使御命之儀公封書以聞貞以文
章得用鬼薪公離司寇辟大將軍
梁公幕府屢以據正于其隆指將
軍嘉之無言不辭又以高第補侍
御史在職旬有恙戎匪茹震驚隴
漢西府舉公拜涼州刺史威名克
宣凶虜革心清風席卷至則無事
車師後部阿羅多早相與爭國
兵作亂公遣從事牛稱阿傳輕舉
騎奉辟責罪收阿羅多早居繫激
煌正處以聞阿羅多爲王早君侯
稱以奉使副指除侯部侯不動于

戈揮鞭而定西域之事以美談又
值饑荒諸郡創餒公開倉廩以貸
救其命主者以舊典宜先請公曰
若先請民以死廩訖乃上之詔報
曰邊穀不得妄出玄擅出於是玄
有汲黯憂民之心後不以爲常公
產於事情剖斷不疑皆此類也遷
齊相視民如保赤子討惡若赴水
火刑明賞遂民知勸懼臨淄令賂
之賊多罪止正受勸就刑沒齒無
怨以不先請免官徵拜上谷太守
民有父子俱行凶人上惡言當道
曉之悔辨直不舉文書以遇赦令
其見侮辨直不舉文書以遇赦令
蕃縣有帝舜廟以故事齋祠戶曹
史張機有懲罰貨祠巫自託以舜
命約公云不得譴公覺其奸態收
考首伏即日伏辜遷漢陽太守上
邽令皇甫貞賊罪明審收考髡答
死于冀市後以病去徵拜議郎司
徒長史循王惺桓帝同產以懷逆
謀黜封癭陶王惺桓帝同產以懷逆
鉅鹿太守惺畏怖明憲檢于靜息
自將作大匠徵未到而章謗先入
故轉拜議郎遂用免官徵度遼將
軍遷河尹少府大鴻臚司徒司空
託病而去悉引衆災雖非已負公
皆以自克遜位歲餘拜尚書今時

河間相蓋升以朝廷在蕃國時鄰
 近舊恩歷河南太守太中大夫在
 郡受取如億以上創毒深刻公表
 升會放浪籍不顧天網損辱國家
 為上招怨當肆市朝以謝兆民幸
 遇贖令罪除惡在可免升官禁錮
 終身沒入財賂非法之物以充帑
 藏懲戒羣下連表上不納而升遷
 復拜太尉如前辭徙拜光祿大夫
 不職拜太尉如前辭徙拜光祿大
 府所特表選臨難受位自九列之
 後乃是以不恥公紀綱弛氣決不
 干見是非而作速於登機乃寔居
 從容申上和樂寬裕愛士親仁凡
 見公容貌聞公聲音莫不熙怡悅
 憚思樂模則來者忘歸去者願還
 雅性謙克不吝於利欲惟爾子羣
 孫並在仕次曾無順媚一言之求
 身沒之日無獲大位在百里者莫
 得好縣比方公孫未有若茲者也
 初公為舍於舊里第卒推與其孤
 至於即世為著巍上乎清儉仁以
 之効於斯為著巍上乎清儉仁以
 之表儀也已

東鼎銘

維建寧三年秋八月丁丑延公于
 玉堂前廷乃詔曰其以鴻臚喬
 玄為司空拜稽首以讓帝曰俞往
 三讓然後受命公乃虔恭夙夜帝
 采勤施八方旁作穆上以對揚天
 子丕顯休命曰在先民毗于天內
 不著股肱必其思心式率天行式
 昭德音公亦尅紹厥由鑒于法罔
 敢不法鼎于誠罔敢不法鼎于誠
 用摠是羣后保乂帝家勳在方冊
 民咸曰休哉惟帝念功越若來二
 月丁丑遷於司徒

中鼎銘

維建寧四年三月丁丑延公登于
 玉堂前廷乃制詔曰其以司空喬
 玄為司徒公拜首以讓帝曰俞往
 三讓然後受命公乃虔恭夙夜帝
 勤戰戰兢兢上以役帝事越其所以
 率夫百辟媚于天子曰都慎厥循
 思求同寅協恭以和天衷德則昭
 之遠則塞之回乃不敢不粥枉乃
 不敢不匡股肱之事既充三事之
 繇允備灾眚作見乃引其青白凡
 度徵不若彛倫不叙是惟臣之收
 祗以疾苦表越十月庚午記此

西鼎銘

維光元和元年冬十二月丁巳延公入崇德殿前乃制詔曰其以光祿大夫玄為太尉公拜稽首曰臣聞之三讓莫或克從臣不敢辭臣犬馬齒七十可以生可以死其戮力閑私悉心在公以盡為臣之節于時侍軒私階與聞公之昌言者莫不惕厲如履薄冰既乃碑表有代

黃鉞銘

孝桓之季年鮮卑入塞抄盜起凶奴左部梁州叛羌逼兵誅淫衍東移高句麗翻子百固逆謀並發三垂騷然為國憂念四府表公昔在梁州柔遠能濟不煩軍師而車師克定及在上公漢陽連在營郡臂力方剛明集御參徵拜度遼將軍始受旄鉞鉦鼓之任扞禦三垂公以吏士年乃勤於奔命人馬疲羸撓鉞請且息州營橫發之役以補漸貌朝廷許之於是儲廩豐饒奉使不懸人逸馬畜弓勁始利而經用省息官有餘資執事無放散之尤簿書有進入之肅治兵示威戎士角躍旌旗曜日金鼓奮奮守有山岳之固攻有必克之勢羌戎受首于西疆百固冰散于東鄰鮮卑收迹烽燧不舉眎事三年

馬不帶鉞弓不受疆是用鏤石作茲鉞鉞軍鼓陳之東階以昭公文武之勳焉帝命將軍乘茲黃鉞威靈振耀如火之烈公之位羣狄斯柔齊斧岡設人士斯休

太尉喬公碑

公諱玄字公祖梁國睢陽人也大鴻臚之曾孫廣川相之孫東萊太守之元子也膺受純性誕有特表岐嶷而超等摠角而逸羣至于初紳高明卓異為衆傑雄其性疾華尚朴有折而不撓臨大節而不可奪之風經藝傳記周覽博涉瑰琦在前靡所不識當世是以服重器歸高名州郡交請待以訪斷歷端首則義可行處爪牙而威以布察孝廉除郎中洛陽左尉以公事去辟司徒舉高第侍御史直道而往用已其莅辟大將軍而府表拜京州刺史遷齊相以公事去詔書印綬即家拜上谷太守遷漢陽太守徵拜義郎司徒長史鉅鹿太守被詔書為持節大匠為受罰者所章拜議郎即徵拜度遼將軍遷河南尹少府大鴻臚遂陟司空司徒託病遜位起家拜尚書令以疾薦稱

拜光祿大夫後拜太尉父病自替復為少府太中大夫春秋七十五
 光和七年五月甲寅薨公性質直
 不憚強禦在憲臺則有盡規之忠
 領州郡則有虎眈之威其拔賢如
 旋流討惡如霍擊每所臨向清風
 光翔遠邇豫震茲可謂超越衆庶
 彰於遠邇者已於是故吏司徒傳
 陵崔烈廷尉河南吳整等以謂至
 德在已揚之由人苟不橋述夫何
 舍焉乃共勒嘉石永昭芳烈遂作
 頌曰
 赫矣喬父秉文握武內為宗幹出
 為藩輔在憲彈枉竟由厥矩久牧
 于涼劉彼裔土爰將度遠亦用齊
 斧敷教四畿旋統京宇敦茲五服
 衆庶是與膺踐七命翼我哲聖登
 空補袞陟徒訓敬尹尉清晨熙帝
 之政終始為貞負章以定遺愛在
 民皇哀其命立石刊銘莫迹斯聽
 魂而有靈萬億其盛

朱公叔議

漢益州刺史南陽朱公叔卒門人
 陳季珪等議所諡云宜曰忠文子
 陳留蔡邕議曰昔在聖人之制諡
 也將以勸善彰惡俾民興行賢愚

臧否依事從實雖文武之美靈厲
 之穢罔不具存自王公已降至于
 列國大夫皆用配號傳于無窮秦
 祚一言諡而黜其事漢興已來惟
 天子與二等之爵然後有之公卿
 大臣其禮闕焉歷世彌久莫之或
 循益州府君賢綜典術率由舊章
 始與諸儒考禮定議加陳留府君
 以益州之諡是後覽之者亦無間
 焉今子宣纂襲前業不忘遺則考
 既至矣禮實宜之謹覽陳生之議
 思忠文之意參之群學稽之謚法
 夫萬類莫貴乎人百行莫美乎忠
 故夏后氏正以人統教以忠德然
 則忠也人德之至也而猶有三焉
 孔子曰進思盡忠又曰臣事君以
 忠奉上之忠也為人謀而不忠乎
 焉能無誨之忠也春秋左氏傳小
 大之獄必有情忠之屬又曰上思
 利人忠撫下之忠也三者人之剛
 而忠行乎其忠益州府君自始事
 至沒身忠言不輟平口謀不已乎
 心其在帝室正身危行言如砥矢
 策合神明蹇上之諫文章具存奉
 上忠矣其在部臣匡諗深出自
 一疑心不我聽者果有蹟覆不則
 之禍謀誨忠矣爰牧冀州時值凶
 荒勞苦思勤恤度事誅斃貪暴糾

戰貴黨雖則強禦當官能行夫豈
 罪夫豈漏茲察也發墓盜極議而不
 在牧伯職據納言秉權食祿實有
 年數而居無畜好財貨不益舊糲
 食粟布衾謂之精麗者昔魯季孫
 行父卒宰庀家器無衣帛之妾無
 私積可謂忠文之實也然則文忠
 秋外傳曰忠文之實也然則文忠
 之彰世一為實文以彰也然則文忠
 合兩名一致是忠貞儉也稱文也
 邾子蓬條卜遷于史繹曰利於民
 不利於君公曰民苟利矣孤亦與
 焉於是遷而遂卒諡曰文公是危
 身利民之稱文也衛大夫孔圉益
 曰文子貢疑焉惟敏而好學不
 恥下問仲尼與之是勤學問之稱
 文也府君所在屢以忤違貼以深
 患苟除民害死生以之前後三黜
 一離耳靡復宗事趙叟示有修尊
 世作師猶復宗事趙叟示有修尊
 能下問矣有一於此猶可以稱况
 乃忠兼三義文備三德於古志不
 恃而諡法亦曰宜矣本議曰忠文
 子按古之以子配諡者魯之季文
 孟懿子衛之孫文公叔文皆諸侯
 之臣也至於王室之卿大夫其尊

與諸侯並故以公配春秋曰劉卷
 卒葬劉文公上羊傳曰劉卷者何
 天子大夫也經又曰王子虎卒左
 傳曰王叔文公卒而曰王同盟禮也
 此皆天子大夫得稱其禮與盟同
 諸侯敵文明也又禮緣臣子咸欲
 尊其君父故雖侯伯子男之臣自
 稱其君咸得曰公及其卒也異國
 之人稱之皆然是以邾子許男公
 以葬春秋之正義也以邾子許男公
 府君王室亞卿也有王叔劉氏之
 比臣子之辭言之則有邾許稱公
 之文雖無土而其位是也今曰公
 猶可若稱子則降等是以懼禮廢
 曰父將詭時聽周有仲山甫伯陽
 嘉父子賢老之福老之稱也宋有
 正考父魯有尼配諡之稱也春秋
 曰孔父魯有尼配諡之稱也春秋
 雖非爵號與同禮天子諸侯咸甲
 優賢異亡順手門人臣子所稱之
 宜可於公父之中擇一處焉斯不
 得稱子而已

鼎銘

忠文朱公名穆字公叔有殷之胄
 微子啓以帝乙元子周武王封諸
 宋以奉成湯之祀至元子啓生公
 子朱其孫氏焉後自沛遷于南陽

之宛遂大宋爵位相襲烈祖尚書
今肅宗之世守于臨淮考曰先生
實爲陳留太守乃及忠文克慎明
德以服享祖禰之遺風悉心臣事
用媚天子顯允其勲績尋綜六藝
契閑馳思所以啓前惑而覺後疑
者臺上焉雖商偃其酒疾諸初舉
孝廉除郎中尚書侍郎豐令獨
運際存亡之要乃諫五事諫謀深
切退處賦畝以察天象享應著焉
孝順晏駕賊發江淮時辟大將軍
府實掌其事用拜宛陵令非其好
也遂以辟復辟大將軍再拜博士
高弟作侍御史明司國憲以齊百
僚矯枉董直罔不阿順以黜其位
潛于郎中羣公並表乃遷議郎登
于東觀纂業前史於是冀州凶荒
年饑民匱而貪婪之徒乘之爲虐
錫命作牧靜其方乃據洪化奮
靈武昭令德塞羣違貞良者封植
殘戾芟夷去惡囚人獸增主之盜
相與比而作匿用陷我非辜復徵
拜議郎病免官徵拜尚書清一以
考其素正直以醇其德出納帝命
乃無不允雖寵作齋栗山父唯舌
靡以尚書享年六十有四漢皇二
十一世延熹六年夏四月乙巳卒
于宮天子痛悼詔曰制詔尚書朱

穆立節忠亮世篤爾行虔恪機任
守死善道不幸而卒朝廷閔焉今
使權謁者中郎楊賁贈穆益州刺
史印綬綬而中郎楊賁贈穆益州刺
史印綬綬而中郎楊賁贈穆益州刺
哀哉肆其孤用作茲實鼎而銘載
體功俾後裔永用享祀以知其先
之德

墳前石碑

維漢二十一世延熹六年四月
丁巳文忠公益州太守朱君名穆
字公叔卒于京師其五月丙申葬
于宛邑北萬歲亭上陽舊兆域之
南其孤野受顧命曰古者不崇墳
不封墓祭服雖三年無不於寢今
則易之吾不取也爾其無拘于俗
無廢予誠野欽率遺意不敢有違
封墳三板不起棟宇乃作祠堂于
邑中南山陽里備器鑄昇銘功載
德懼墳封彌父夷子平壤於是依
德像緣雅則設茲方石鎮表靈域
用慰其孤罔極之懷乃申詞曰德
歆惟其孤罔極之懷乃申詞曰德
不承洪緒彌綸典術允迪聖矩
好是貞厲疾彼強禦斷剛若丸
柔亦不茹仍用明夷邁改受海
帝曰休哉朕嘉乃功命汝納言

胤女祖蹤父拜稽首翼之惟恭
謂督不忘夙夜在公昊天不吊
降茲篤殃不遺一父俾屏我皇
我皇悼心錫詔孔傷位以益州
贈之服章用刊彝器宣昭遺光
于上孫上求載寶藏

王子喬碑

王孫子喬者蓋世上之真人也聞
其仙舊矣不知興於何代博問道
家或言潁川或言彥蒙初建斯域
則其斯丘傳承先人曰王氏墓紹
亂不繼荒而不嗣歷載彌年莫之
能紀泊于永和元年十有二月當
臘之夜上有哭聲其音甚哀附居
者王聞而恻之明則登其墓察焉
洪雪下無人踪見一大鳥跡有祭
祀之處左右或以爲神其後有人
着絳冠大衣杖竹策立冢前呼樵
孺子尹禿謂曰我王子喬也爾勿
復取吾先人墓前樹也須臾忽然
不見時令太山萬照稽古老之言
感精瑞之應咨訪其驗信而有徵
乃造靈廟以休厥神於是好道之
儔自遠來集或絃歌以詠太一或
談思以歷丹田其疾病疴瘵者靜
躬祈福即獲祚若不度恪輒顛踣
故知至德之宅兆真人之先祖也

延熹八年秋八月皇帝遣使者奉
犧牲以致祀祗懼之敬肅如也相
國東萊王章昭字伯義以爲神聖所
興必有銘表昭示後世是以賴鄉
魏伯陽之踪關民慕尹喜之風乃
爲長史邊乾訪及士隸遂樹玄石
紀遺烈俾志道之所有覽焉
伊王君德通靈舍光耀乘純貞
應大道義久榮漂長風棄世俗
飛神形翔雲霄浮太清乘螭龍
載鵠軒戴華蓋奮金齡惟羽旗
曳霓旌驪岡極壽德齡然篤孝
念所生歲終闕發丹情存墓冢
舒哀聲遺鳥跡覺舊城被終衣
垂紫纓呼孺子告姓名由此悟
感怖驚修祠宇反几筵饋饌進
甘香時傾顧匡流祉熙帝庭
祐邦國相黔民光景福耀無垠

蔡中郎文集卷之一

蔡中郎文集卷之二

郭有道太原郭林宗碑

先生名泰字林宗太原界休人也其先出自有周王季之穆有號叔者實有懿德文王咨焉建國命氏或謂之郭其後也先生誕膺天衷聰敏明哲孝友溫恭仁篤柔惠夫其器量弘深姿度廣大浩上焉勵行直道正辭貞固足以幹事隱括足以矯時遂考覽六籍探綜羣經周流華夏游集帝學救文武之將墜極微言之未絕于時纓綬嘉徒紳佩之士望形表而累附聆鱗聲而響和若猶百川之歸巨海鱗介之宗龜龍也爾乃潛隱衡門收朋勤誨童蒙賴焉用祛其蔽州郡聞德虛已備禮莫不能用致羣公休辭將蹈洪崖之遐跡紹巢由之絕軌翔區外以舒翼超天衢以高時稟命不融享年四十有三以建寧二年正月乙亥卒凡我四方同好之人求懷哀悼靡所實念乃相與推先生之德以圖不朽之事僉以為先民既沒而德音猶存者亦賴

之於見述也今其如何而闕斯禮於是建碑表墓昭銘景行俾芳烈奮乎百世令問顯乎無窮其詞曰於休先生明德通玄純懿淑靈受之自天崇壯幽澹如山如淵禮樂是悅詩書是敦匪惟撫華乃尋厥根宮牆重仍允得其門懿乎其純確乎其操洋上播紳言觀而高棲運泌丘善誘能教赫上三事幾行其招委辭召貢保此清妙降年不永民斯悲悼爰勒茲銘摘其光耀嗟來世是則是効

文範先生陳仲弓銘

君諱寔字仲弓潁川許人也其先出自有虞氏中葉當周之盛德有嬀滿者武王配以大姬而封諸太昊之墟是為陳胡公春秋之末失其爵土遂以國氏焉世篤懿德今問不顯君膺皇靈之清和受明哲之上姿憑先民之遐邇秉玄妙之淑行投足而襲其軌施舍而合其量夫其仁愛溫柔足以孕育群生廣大寬裕足以包覆無方剛毅強固足以威暴矯邪正身體化足陶冶世心先生有四德者故言斯

可象靜斯可効是以邦之子第遐
方後生莫不情瞻仰由其模範
從其趣尚戾很斯和爭訟化讓雖
嚴石猛正迫以刑戮未若先生潛
導之速也其立朝事上也恭順貞
厲舍章直方無顯諫以章賡不割
高而引長常幹州郡腹心之任義
則進之以達道否則退之以光操
然後德立各宣蓋當世用辟司徒府
納規諫謀主弼三事人昭明台
階兄寧遷聞喜郡政有錯爭之不
儉節益於監司郡政有錯爭之不
從即解綬去復辟太尉府遷太立
長民之治情斂反於端懿者猶
草木偃於翔風百卉之挺於春陽
也以所執不協屬所以斯舉矣
不俟終日辟大將軍府道之行廢
有分於命乃離密網以就禁錮潛
復不式十有八年大忌蠲除舉賢
良方正大將軍司徒並辟君曰七
十有懸車之禮况我過諸遂不應
其命容止法度老而彌壯凡所履
行事類博審不可勝故略舉首目
其實錄之記在乎其傳春秋八十
有三公使御屬往吊祠會葬誅行
軍三公使御屬往吊祠會葬誅行
告諡曰文範先生刺史太守樹碑
頌許令已下至於國人立廟舊邑

四時承嘗歡哀承祀其如祖禰先
生存重稱亡歆血食循行於已得
斯於人固上世之所罕有前哲之
所不遇也孤嗣紀之銜恤在疚敢錄
言行終始所守乃有二三友生咨
度禮則咸曰君守化道神行功有國
法施于民紀典所宗鄉人之祠非
此遺孤不得專辭昔者先生甚樂
茲土築室講誨精靈所寧紀順奉
雅意遂定兆域宜有銘勒表墳
墓俾後生之歌詠得音者知丘封
之存也乃作銘曰
於熙文考天授弘造淵玄其深
巍巍其高剛而無虐柔而不撓
誣鋪模憲亦世作教君之誨矣
民胥効矣道行斯進廢乃斯止
鮮我顯泰既多幽否舍榮取辱
混而不緇德之休明賤不為恥
超逸其猶莫與方軌

陳太丘碑

先生諱寔字仲弓潁川許昌人也
舍元精之和膺期運之數兼資九
德總脩百行於鄉黨則恂上焉斌
斌焉善誘善導仁而愛人使夫少
長咸安懷之其為道也用行舍藏
進退可度不微訐以干時不遷怒

以臨下四爲郡功曹五辟豫州六
辟三府再辟大將軍宰聞喜半歲
太丘一年德務中庸敦敦不肅政
以禮成化行有謚會遭黨事禁錮
二十年樂天和命澹然自逸交不
譖上愛不黷下見機而作不俟終
日及文書救宥時年已七十遂隱
丘山懸車告老四門備禮悶心靜
居大將軍何公司徒袁公前後招
辟使人曉諭云欲持表便可入踐
常伯起補三事佩紵金紫光國垂
勳先生曰絕望已久餽巾待期而
已皆遂不至弘農楊公東海陳公
每在袞職羣僚賀之皆舉首曰穎
川陳君命世絕倫大位未躋慙於
文仲竊位之負故時人高其德重
於公相之位也年八十有三中平
三年八月丙子遭疾而終臨沒顧
命留葬所卒時服素棺槨財周禮
喪事唯約用過乎儉羣公百僚莫
不咨嗟巖叟知名失聲揮涕大將
軍吊祠錫以嘉謚曰徵士陳君稟
岳瀆之精包靈輝之純天不憖遺
一老俾屏我王梁崩哲萎于時靡
憲播紳儒林論德謀績謚曰文範
先生傳曰郁上平文哉書曰洪範
九疇彛倫攸叙文爲德表範爲士
則存誨沒號不亦宜乎三公遣令

祭以中牢刺史敬吊太守南陽曹
府君命官作誄曰赫矣太守命世
是生令光醇德爲士作程資始既
正守終有令奉禮終沒休矣清聲
遺官屬掾吏前後赴會刊石作銘
府丞與比縣會葬荀慈明韓元長
等五百餘人總麻設位哀以送之
遠近會葬千人已上河南尹种府
君臨郡追嘆功德述錄高行以爲
遠近鮮能及之重部大掾以成時
銘斯可謂存榮沒哀死而不朽者
也乃作銘曰
我上崇岳吐符降神於皇先生
抱寶懷珍如何昊穹旣喪斯文
微言已絕來者曷聞交上黃鳥
命不可贖哀何可極

陳太丘碑

維中平五年春三月癸未豫州刺
史典以褒功述德政之大經是以
作謚封墓興於周禮衛昇晉銘其
昭有實故太丘長穎川許昌陳寔
字仲弓含聖哲之清和盡人才之
上美光明配於日月廣大容乎天
地辟四府宰三城神化著於民物
形表圖於丹青巍上焉其不可尚
也洋上平其不可測也儉約違時
懸車致仕徵辟交至遂不屑就春